

**Uniudjutit haffumunga Katimadjutinun haffuma
Kanatami Aviktuniini-Aviktuqhimayuni Ministat munaqhiyut Havaknikkut
Ubluqtuhivia 25, Ottawa, On**

Nunavunmi Upautihimayut

Nanngagiyauyuq. Jeannie Ehaloak (Minista Maligaliqyinun), William MacKay (Tugliq Minista)

Havavikmi Havaatigut Aaniqtailinikkut uvalu Qayangnautikkut (OSH) Ihuaqhainiq

Tugliq Minista M. Carr (Saskatchewanmi) tunihiyuq tuhaqtitibluni qanuginiik hapkua Kaanatami Katimayiiingit Titiqqiqiyunit Havaamut Maligait katimayiyukhanik haffumuuna Havavikmi Havaatigut Aaniqtailinikkut uvalu Qayangnautikkut uvalu Aaniqtailinikkut(CAALL-OSH) Havauhikhatigut Upalungaiyautinik hapkununga ilitaqhidjutikhanik, ihuaqhainikkut uvalu nalaumaliqlugit haffuma OHS Pitquyauyut. Mr. Carr ilitugipkayuq tapkua tamainun aullaqtitirutaanut hapkua havaakhatigut upalungaiyautit ihuaqtuq.

Ministat angigutigiyaa iniqhimaituq uqaqhimayuq hapffumunga OSH Ihuaqhainiatigut, kitut naunaiyaqhimayut hapkua angigutit:

1. Aulahimaaqtumik naunaiyaqlugit piyakhat hapkununga maligatigut ihuaqhainigit, ilauyut nutaanguqtiqlugit maligatigut, pitquyauyut uvalu maliguagahat aktilaangit tamaini nunani;
2. Humi ihuarnikkut, pilluaqlugit avanmun ilitagilugit maligahat piyaangini unguvaqtiqlugit ulapiqutit auladjutinun qitqani nanat tapkua pitquyauyut atuqtauyukhat ihuaqtumik attautinun nunanun ihagiagiyaitigut;
3. Pittaarumik, pidjutigilugit avatingnun nunallaat ihuaqnikhainik hivunikhaliugutikhaq kinguani maliguagahat, pitquyauyut uvalu maligahat upalungaiyaidjutikhat uvalu uuktuutit; uvalu
4. Tutqikhaqlugit uvalu uqautigilugit kangiqhidjutit ihuaqhaidjutikhainun uvalu ilitagidjutikhatigut piyakhat, ihuiguuutit uvalu ayuqhautit

Nunagyuami Havaktuliqiyit

Nanngagiyauyuq Patty Hajdu (Kanatami) nutaanguqtigiyuq naunaitkutinik hapkuninga uqagauyunik:

- Qanuginiit angiqtauyut haffumunga ILO Katimaqyuagutini angiqtauyut Ministanin;
- Hunat Kanatap upalungaiyautait katimapkailutik G7mik uvani 2018; uvalu
- Aivaqatigiirutit haffumunga Havaknikkut iluaniitut niuvaanikkut angigutit.

Kanatap angiffaaqtait ILO Katimaqyuagutit 98 haffumunga Pilaagutmut hapkununga Timiyumun Katitlugitlu Angigutit uvani Imaruqtirvia 2017mi, atuliqtaubluni Imaruqtirvia 2018mi. Iinguyuuq uvalu kinguliq ILO tungavikhaa katimaqyuagutini angiffaaqtaat Kanatap. Aipaa tugaagakhaq Katimaqyuagut 81 haffumunga Havaknikkut Ihivgiuqniq uvalu Atugahaq 29 haffumunga Akhuuqtaublutik Havaktitauyut.

Kanata katimapkaiyuq G7 Havaknikkut uvalu Nutaanik Ministat katimadjutait unalu Nanngagiyauyuq Bains hamaniqmiutaq British Columbiamin nungutilugu Qiqaiyalirvia

Montrealmi.

Minista Hajdu tuhaqtitait katimayut niuvaanikkut avaqtidjutinik tapkua havaktauliqtut amigaitunik nunaqyuami iligiit. Minista akhuugutigiyaa akhuuqhadjutaa ilitaginiq niuvaanikkut angigutit ikayuutauyukhat tamainun kitunun inuqaqniqnun, uvalu tapkua pihimayut nunaqyuamun,maniliuqnikkut angiklivaliani q ilauyukhaq. Amigaiqhutiklu inuit ihumayut niuvaanikkut pidjutinun tamainun. Taimaali iniqtiqtaugaluqtilugit niuvaaniikkut angigutit atuqtauniaqtut kanatap aktilaangatigut, munagidjutait hapkua Havaknikkut Maligat talvaniitut avuktuqniini/aviktuhimayut aktilaangitigut, kitut piyakhalgit uqautigilugit uvalu tutqikhaqlugit.

Havakvikmi Ihumakkut Aaniaqtailiniq: Ihumakkut Aaniagut Huiqhimayunun Qugluknikkut Ayuqhaut

Una uqautauyukhaq uqaugiffaaqtauyukhaq katimadjutinik katimatilugit uvani Prince Georgemi Apitilirvik 2016, humi Ministat angigutigiyaa akhuuqnaqniq havaqatigiikluni haffumunga pidjutaayuq ihumakkut aaniaqtailiniq havakvikmi, ilauyuq Ihumakkut Aaniagut Huiqhimayunun Qugluknikkut Ayuqhaut (PTSD). Angiqatigiikhutiklu havaqatigiiklutik attautimut ikiliyuumigiangani ayuqhaut uvalu akhuuqhalugit havaktut qiniqhialutik ikayuqtikhamingnik, qiniqhialutik qanugiliugutikhanik ihuaqhiyuumigiangani ikayuutit, uvalu uqautigilugit kangiqhidjutit.

Nanngagiyayuq Jeannie Ehloak (Nunavut) tukhiqtuq ilaliutihimayunik ukpiqnaqtumik ihumakkut aaniaqtailiniqmik upautidjutikhamik, ilitugipkaqhugu uvalu Tattiarnaqhilirvia 2015 aviktuqhimayut kavamat uqaqtut inungnun qilamiuqniqmik Nunavunmi pidjutigiblugit akhut amigaiqnia hulaqutit ininiiqnikkut. Haffumunga Nunavunmun, ihuaqhiyuumiqlugu ihumakkut aaniaqtailinikkut havaktinun atayuq qanitumik hivumuunniq ihuaqhivalianiqmun Inungnun uvalu uqautigiblugu ukiuqaqtunik tamainik ayuqhaut, tamainiq uqauhiqmik uvalu pitquhiqmik, uvalu hulaqutauyut igluinikkut uvalu niqiqaluanginikkut.

Tamaita nunat angigutigiyaa tamna, ayuqnagaluaqtilugu paqitaami atuqluaqtumik uqauhiqmik hapkununga maliganun pidjutauyut aalakiit iluaniitut tamaini nunani, una pidjutaungituq ilaulugit havaqatigiikniq havaktakhanik hivumuugianganini un ayuqhaut.

Ministat angigutigiyaa CAALL Hanaqidjutaa Havaknikkut Maliguagahaq Katimayit (SLPC), havaqatigiblugit iligiit hapkua Kanatami Havakvia haffumunga Havaatigut Aaniqtailinikkut uvalu Qayangnautikkut (CCOHS), Ihumakkut Aaniatailinikkut Katimayit Kanatami, Havakvik hapkununga Ipiqalainikkut uvalu Ihumakku Aaniaqtailinikkut (CAMH), uvalu aalakiit havaktut' ikayuutikhatigut katimayit, ihivgiuqlugu aipait atugahat havaqatigiikniqmun havaakhanik.

Havakvikmi Aangayaarnikkut

Tugliq Minista Jeff Parr (Albertami) tunihiyuq tuhartidjutinik kivgaqtuqhigit malguk CAALL katimayit.

Nanngagiyauyuq Jeannie Ehaloak (Nunavut) tuhaqtitiyuq pidjutigiblugu kiliitigut hapkua aviktuqhimayut niguaqniitigut uvalu ihagiahuknikkut nutaamik kavamanik havagiangini inungnun katimapkaidjutinik, Nunavunmi katimapkailutik amigaitunik inungnun katimapkaidjutinik avatqumayuni hitamat havainit, uvalu nakuuniaqtuq havaklugit maliguagahat atuqtilugu tamna katimapkainikkut havauhiq. Tadjak Minista uqaqniaqtuq tutqikhaqnikkut upautiniq nunanun nakuutqiaq upautidjut uvalu ikayuqtikhaqtaqtuq ihuaqhainiqmun, tamna ihuatqiaq uvalu atuqtaunginaqtumik.

Ministat iniqtiqtut uqaqhutik ihumagiblugu havaklutik havaqatigiiknikkut, uvalu havaktukhat havaktit aulahimaaqlutik pidjutigilugu mikhaanun havaqatigiiknikkut upautiniq pidjutigilugit havakvikmi aangayaaqniq, ilaayut aangayaaqnaqtunik atuqniq havakvikmi. Ministat tugaaqtaata una havaktauyukhaq tugaaqhimaluni hunat ikayuutikhat tuniyauyaaqqat havaktinun uvalu havaktituyunun, uvalu ilauniaq=gungnaqhiyut apiqhuutit avatingani uqagauyuq.

Ministat akhuuhaiyut aulahimaaqtumik qiniqhialutik hapkununga havaktunun pilugit piyakhat ihuaqhainikkut, uvalu ilitagilugit pidjutaayut ilaayut hapkununga havaat havaktauyut avatingani ihumakkut aaniaqtailiniqmik uvalu akhuuqlutik mikhaanun qilamaik hatumiaqnikkt.

Aalakiikniq uvalu Havakniq (akhuuqtauyut hapkununga Nunaqaaqaqtunun ilitugihimaniq pilaagutainun)

Tugliq Minista William MacKay (Nunavut) uvalu Tugliq Minista Michael Carr (Saskatchewanmi) tunihiyuk tuhaqtidjutinik haffumunga Havaknikkut Minitat Ilaumatigiikniqmik hapkununga Nunaqaaqaqtunun inungnun. Tuhaqtidjutait naunaiyaiyut hapkuninga: akhuuqniq hakugiktumik havaqatigiikniq qitqani Nunaqaaqaatut nunallaat uvalu anginiqhaq katimayit; tapkua Ministat havaqatigiyakhait uvalu uqaqatigilugit Nunaqaaqaatut nunallaat uvalu aalat havakviit piyaangini una Itquumanikkut Nutaanguqtiriniqlu Kamisinat Havaknikkut pihimayut Tukhiutit Auladjutit uvalu nakuutqiamik ilaulugit, piyumayuminaqhilugit uvalu pihimalugit Nunaqaaqaatut havaktut; uvalu tamna ukpiqnaqtuq uvalu uqaqatigiyuminaqnikkut upautiniq maliguagahanun uvalu pinahuagutinun ihumagiyauyukhaq uvalu atuliqtitlugu ihagiagiyaait nunaqaaqaatut inuit.

Nanngagiyauyuq Jeannie Ehaloak (Nunavut) tukhiqtuq amigaiquumiqlugit ilaumatigiikniq hapkununga Nunaqaaqaatunun nunallaat, ilaliutilugu, Minista tukhiqtuq naunaiyaqhimayunik pinahuagutit uvalu kiklikhait naunaitkutainun hapkununga kikliqaqtunun uvalu qanuginiit hapkua havaktakhat.

Ministat pitquiyuq tapkua CAALL havaklutik havaktakhamik tugaaqhimayumik hapkununga Nunaqaaqaatunun havaknikkut ayuqhautinik, kangiqhimadjutiqaqhutik tapkua ilaani pidjutiqaqtut havaakhatigut ayuqhautinik. Ihumagiyaudjutit tuniyaulutik atuqtauyunun havaanun havaktauyut ministat ilagiit tamaini aalakiini nunani, havaakhat hailiniaqmata attautimukhimayut akhuugutit uvaluuniin ilitpalialiqlutik nakuutqiatigut atuqtamingnun, humi ihuaqtumi.

Uqautigilugu Uumilguhukniq uvalu Ningakniq hamani Nunaquyami Havaani

Nanngagiyauyuq Patty Hajdu (Kanatami) tuhaqtitiyuq hapkunanin kanatami kavamatkut akhuugutait uqautigilugu uumilguhukniq uvalu ningakniq nunaquyami havaani. Minista tikuaqtuqtait tamavyaita angnat atuqhimayut qanugitumik uumilguhukniqmik uvalu ningaqniqmik. Pidjutigiblugu hapkununga 2014 Angus Reid naunaiyautaini, 28 pusat Kanatamiut uniudjuqtut tuniyaublutik piumayaungitunik nuliqiniqmik nuliqiyut, apiqhuutunik nuliqqinikkut himautiniqmik uvlauuniin nuliqinikkut uqaqtauyut hapkununga amigaitut atuqtauyut haakhutik, uvalu 27 pusat ningaumanikkut ihuinaagutit, ilauyut nuliqinikkut ihuinaagutit, kukiiauniq uvalu iqaiyaqnikkut ningaqhiqniq atuqtauyut ihuinaaqtauyup havakviani.

Nutaat uvalu nuitiqhimaagtut havakviit

Nanngagiyauyuq Kevin Flynn (Ontariomin) tunihiyuq ihivgiuqhimayunik haffuminga Aalanguqtinqimik Havakviknun Ihivgiuqgutunik (CWR) havauhikhaanik uvalu tunihibluni naittumik haffuminga Ontariop Kavamanin kiudjutainik haffumunga kinglikkut Uniudjutikkut, tapkualuat titiraqhgutit tadjja aalanguqtinqiit tuhaqtitauyut uvani Maligami 148 (Ihuaqtumik Havakviit, Nakuutqiyat Havaatigut Maligaaq, 2017) uvalu aalat ilauyut pinahuagutit.

Ikayuutauniaqqat, ihumagiyauniaqtuq tuniyauluni pitquidjutinik hapkununga CAALL katimayiinun haffumunga Hanaqidjutinun Havaatigut Maliguagahat (SLPC) naunaiyaqlugu piniagunqnaqhiyuq tamainun Kanatami kavamat pittailidjutikhaq qanugiliuqnikkut pittiaqtumik inutquaqhautinun uvalu qulangnauyautinun upalungaiyautni. Havaktit ihivgiuqniaqtaat una ayuqhaut qaiyumi CAALL ukiumi katimadjutaini uvani Qiqaiyarluarvia 2018.